



Ocylvs, Hoc Est: Fvndamentvm Opticvm

Scheiner, Christoph

Freiburg i. B., 1621

Cap. IX. Si humor Vitreus est formale visus organum, res una per plura
foramina ab uno oculo in statione remota conspecta, semper apparebit
simplex quod tame[n] est falsum.

[urn:nbn:de:hbz:466:1-71258](#)

plex; aut simul situ euenio simul recto, aut semper alterutro tan-
tum; quæ omnia sunt impossibilia. Ostendo singula per sua ca-
pita.

SI HVMOR VITREVS EST FORMALE
visus organum, res per plura foramina semper
apparet simplex in statione remota.

CAPUT IX.

I. **Q**uod docunque vnius rei plura simulachra per plura fo-
ramina in oculum transmissa conueniunt in vnam orga-
ni formaliter visorij partem, ita ut mutuo sibi congruat;
tunc res visa apparet simplex siue vna: atqui rei cuiuscunque ab
oculo ultra pedem remotæ simulachra per plura foramina admis-
sa semper conueniunt in vnicâ humoris Vitrei portione. Ergo res
eiusmodi, quæcunque sit taliter visa, apparebit vna.

Sequela maioris euidens est, quia sola species representat
objecum visuæ potentiae in organo formaliter visorio recepta;
vnde impossibile est, ut potentia videndi aliquid percipiat non re-
presentatum in organo formaliter visorio; quare si duæ species
in vna parte organi formaliter visorij sibi conguunt, fiunt vna, &
objecum vnum sed intensius representant: aliâs ratio nō posset da-
ri, cur vnum punctum libere visum non apparet multiplex, eo
quod radijs quamplurimis in vnum locum refractione coeundi-
bus videatur; item cur vna res duabus discretis speciebus re-
presentata, apparet duplex & non simplex. si enim fieri posset,
ut per vnitam speciem objecum geminum cerneretur, cur non
per geminam siue disiunctam vnum? &c. Vel certe rationem as-
signet, quicunque rem hanc controuertit, cur res vna per plura fo-
ramina visa, apparet quandoque vna; quandoque multiplex, si
nostra non est, & nos libenter acquiescemus: at diuersam à nostra,
ad Græcas Calendas habebimus.

Minor probatur. I. Nam species rei vnius per plura
foramina traiectas tandem conuenire certum est, per experien-
tias

tias citatas, alias si nō conenirent, essent plures species locis distin-
ctis, & in distincta loca utique refringerentur earum radij, quare
res etiam per ipsas visa multiplex cerneretur, at appareat in certa ali-
qua distantia simplex; ergo per species in vnam organi visorij par-
tem coactas, at organum visorium statuitur ex hypothesi humor
Vitreus, igitur species coadunantur. 2. Non conueniunt species
ante Vitreum humorem, non post ipsum, in data hypothesi, ergo
necessario in ipso. Probatur Antecedentis prior pars i. Ex humo-
ris Crystallini figura l. i. p. i. c. 7. & alias passim descripta. Cum
enim anterior eiusdem sphērica conuexitas suum centrum ha-
beat in ipsa hemisphērica superficie posteriore, aut certè non pro-
cul inde; impossibile est, ut unquam radij per plura foramina in-
gressi & refracti sese decussent, in ipso humore Crystallino, alias
refractionis radius super ipsam perpendicularē lineam fieret
non ad ipsam, quod est absurdum. 2. Ab ipsa oculari experien-
tia. Si enim sphērulam vitream, vel solidam vel aqua impletam,
aut denique Crystallinam accipias tantam, quantam efficeret su-
perficies Crystallini humoris anterior, si vndique in sese reuolue-
tur, ei que lamellam pluribus pertusam foraminibus prope oppo-
nas, & per foramina vel solem, vel candelam in obscuro loco trai-
cias in obiectam chartam, quam post sphērulam vicinam teneas,
experieris semper in aliqua saltem statione, omnes species per
plura foramina traiecta in unam coalescere; easdemq; cis & trans
istam stationem denuo secundum foramina multiplicari. Si igi-
tur specierum concursus non ingreditur sphērē corpus, quanto
minus humorem Crystallinum attingit, qui propter formam len-
ticularem sphērulae crassitatem haud adæquat? Si sphērula ab hoc
concurso immunis euadit, in libero aëre, qui eundem propter re-
fractionem à perpendiculari discedentem, breuiorē reddit; quan-
to minus perueniat in humorem Crystallinum, quem Vitreus
densior excipit, qui que radios non cogit, sed à se mutuo diducit,
propter refractionem ad perpendicularē fieri solitam? Sed quid
opus multis ambagibus; fac sphērulam lenticularem Crystallino
humori per omnia similem & æqualem, & eorum quę dico veri-
tatem protinus ad oculum aspices, si per plura foramina obiectū

præsertim lucidum, traduxeris; semper enim species trajectæ con-
gredientur post illam lentem, seu prope, seu procul, siue denique
media statione obiectum locaueris. & sic prior antecedentis pars
eiusdæ est.

Altera fuit hæc, in statione remotore, qualis esse incipit in-
teruallo unius pedis vel certè cubiti aut passus, communem spe-
cierum concursum nunquam fore post humorem Vitreū. Quod
iterum probatur. 1. Quia ut l. i. p. 2. c. 8. visum, obiectum vnu
per plura foramina aspectum, distantia vnius spithamæ plus mi-
nus, apparet vnum, quod non sit, nisi specierum in organo forma-
liter visorio coitione: si igitur humor Vitreus est illud organum,
necessario in eo imagines cōadunatæ sunt. porro si distantia tam
parua species coguntur in vnum, quanto magis unientur pedali,
vel cubitali? nam certissimum est, tam experientia quam auto-
ritate omnium, obiecta remota per conuexas lentes refractæ bre-
viores corradiationes facere, quam exhibeant vicina. 2. Quia
teste experientia, loc. cit. obiectum interuallo pedali per plura fo-
ramina visum, repræsentatur toties, quot foraminibus aspicitur,
& situ quidem locorum recto: quod fieri neque solet, neque po-
test, nisi post radiorum communem concursum; si igitur Vitreus
humor est formale videndi instrumentum, necesse est, in ipso vi-
sionem hanc rei unius multiplicem celebrari; quare fieri non po-
test, ut communis ille concursus post ipsum existat. 3. Quia si
in data distantia communis specierum cōcursus eueniret post hu-
morem Vitreum, res vna semper appareret visui situ locorum e-
uerso, teste experientia; quia quando radij in organum visus ad-
uentant non decussati, situm locorum evertunt, at non apparet
situ locorum euerso, sed recto, iterum experientia teste. Ergo non
euenit communis specierum concursus in data distantia post hu-
morem Vitreum. 4. Quia hoc ipsum testatur experientia, si Vi-
treum Crystallino humoris simile & æquale conformetur, & per
plura lamellæ antepositæ foramina obiectum remotum trans-
mittatur in obtentam chartam, concurrent enim species tantillo
post lentem interuallo, quod humoris Vitrei crassitatem haudqua-
quam adæquet, vnde certum est, specierum conuentionem non
accidere

accidere post sed ante humorem Vitreum. Neque dicas hunc humorem densiorem statui Crystallino, ideoque concursum refractione produci; quia tametsi prolongatio aliqua interueniat, nihilominus tamen tanta non est ipsa, ut concursum extra Vitreū humorem protrudat, quod inde elucescit, si ampullam vitream humori Vitreo æqualem & similem aqua impleas, & eius orificio lente in forma & magnitudine Crystallini indas, marginibus circum circa cera vel pice oblitis, &c, experieris enim hac ratione obiectum per foramina in chartam accidere multiplex situ specierum euerso ita ut species dextra sinistro foramine, sinistra dextro, &c. fuerit subingressa; quod occultatione foraminum ad oculum patebit. hoc autem fieri omnino est impossibile absque specierum eātundem decussatione sive concursu communi. Quapropter & altera antecedentis pars longè luctuositatem est ostensa. Igitur in data stationis remotæ hypothesi, concursus imaginum nunquam contingit post humorē Vitreum, in nulla autem statione ante eundem; Ergo semper versatur in statione remota, intra eundem. Quare si humor Vitreus est formale visus organum, res in remota ab oculo statione, per plura foramina conspecta semper appetet una, nunquam multiplex. quod est contra manifestissimam experientiam, c. 8, l. l. p. 2. allatam.

Quod autem res tantum una appareret hinc necessario conficitur. Vitreo humori ex mēte aduersarij inest visifica cernendi facultas, ergo videbit rem unam, quamdiu una repræsentabitur à speciebus in organo formaliter visorio receptis: tamdiu autem repræsentatur una, quamdiu species in unam organi formaliter visorij partem confluxerint. quod cum semper fiat, in statione remota, semper in hac statione res una apparebit. Dices in statione remota, species tam ante quam post concursum disiunctim etiam humor Vitreo insunt, ergo possunt obiectum multiplex repræsentare; adeoq; non est necessarium ut simplex appareat. Respondeo 1. hoc argumentum aliquid valitulum, si ostendatur, radium unum simplicem ab uno puncto profectum tam viuacem esse atque sunt duo vel plures simul iuncti; cæterum cùm experientia

rientia contrarium vbique testetur tam in lumine quam in speciebus; argumentum non concludit. Species enim in concursu communi prævalent, & reliquarum simplicium vires multo maxime elidunt. Respondeo 2. Si species ante & post concursum communē in organo visorio receptae potentiam cernendi ad perceptionem obiecti excitant, eo quod in ipso adsint, quanto magis præstant id ipsum in communi concursu coadunatae, ubi & vigoris plurimum & organi visorij meditullium tenent? Respondeo 3. Hoc argumentum plus non probare, quām obiectum vnum & idem, simul & semel vnum, simul & semel multiplex videri. quod cernendi artificium, utpote nouum & inusitatum ab aduersario perquam libenter edocerer. Sed de his modō satis constare enim arbitror, si radius visorius in Vitreo existat, absque ulla tergiversatione fatendum esse, rem vnam & eandem per plura foramina visam in statione remota, semper vnam necessario apparitram, contra evidenter experientiam, id quod erat demonstrandum.

SI VITREVS HVMOR EST FOR-
male visus organum, res vna per plura
foramina visa, in statione remota,
semper appetet multiplex.

CAPUT X.

QVIA eiusdem rei in humore Vitreo semper insunt species multiplices numero, loco & subiecto inhæsionis distincte, multiplex ergo offerunt obiectum. Consequentia clara est, quia radij singuli punctum à quo profluunt repræsentant; si ergo ipsi à se inuicem sunt distincti loco & subiecto formaliter visorio, necessario rem etiam distinctam singuli repræsentant facultati visuæ. Quod autem radij visorij in statione remota semper interueniant loco & subiecto formaliter visorio distincti euidens est ex antecedente cap. Quia enim demonstratum est concursum